

DOKUMENTI KONSULTATIV

Për projektligjin “Për njohjen e kualifikimeve profesionale të fituara në shtetet anëtare të Bashkimit Evropian, zonës ekonomike evropiane dhe konfederatës së zvicerës, si dhe për vlerësimin e proporcionalitetit të rregullave për aksesin dhe ushtrimin e profesioneve të rregulluara në Republikën e Shqipërisë”

Ministria e Arsimit në kuadër të procesit të konsultimit të projektligjin “Për njohjen e kualifikimeve profesionale të fituara në shtetet anëtare të Bashkimit Evropian, zonës ekonomike evropiane dhe konfederatës së zvicerës, si dhe për vlerësimin e proporcionalitetit të rregullave për aksesin dhe ushtrimin e profesioneve të rregulluara në Republikën e Shqipërisë” mirëpret sugjerimet nga qytetarët, ekspertë të fushës, nga të gjitha institucionet dhe subjektet e interesuara, organizata jofitimprurëse, shoqëria civile, të drejtat ose objekti i veprimtarisë të cilave ka të bëjë apo ndikohet në mënyrë të drejtpërdrejtë ose jo nga përcaktimet e kësaj nisme.

Kohëzgjatja e konsultimeve:

Konsultimet në portalin e Regjistrimit Elektronik: 20 ditë pune, duke filluar nga data 26.08.2026 24.09.2026.

Si të përgjigjeni:

Kontributet që në kuadër të procesit të konsultimit dhe përmirësimit të përmbajtjes së projektvendimit, do të përcillen nga institucionet e interesuara me anë të regjistrimit elektronik në adresën <http://www.konsultimipublik.gov.al>.

Kontakti:

Nadire Pilavi, Koordinator për konsultimin publik në Ministri: nadire.pilavi@arsimi.gov.al

Datat dhe vendet e takimeve publike:

E-Konsultimi: në portalin “Regjistri Elektronik për Njoftimet dhe Konsultimet Publike” 20 ditë pune, duke filluar nga data 26 gusht 2026.

Sfondi i propozimit legjislativ

Projektakti “Për njohjen e kualifikimeve profesionale të fituara në shtetet anëtare të Bashkimit Evropian, zonës ekonomike evropiane dhe konfederatës së zvicerës, si dhe për vlerësimin e proporcionalitetit të rregullave për aksesin dhe ushtrimin e profesioneve të rregulluara në Republikën e Shqipërisë” i propozuar nga Ministri i Arsimit (MA), synon harmonizimin e kuadrit ligjor vendas me parashikimet e Direktivës 2005/36/KE të Parlamentit Evropian dhe Këshillit, datë 7 shtator 2005, mbi njohjen e kualifikimeve profesionale, botuar në Fletoren Zyrtare të Bashkimit Evropian, seria L, nr. 255, datë 30.9.2005, e ndryshuar me: Direktivën 2013/55/BE të Parlamentit Evropian dhe Këshillit, datë 20 nëntor 2013, botuar në Fletoren Zyrtare të Bashkimit Evropian, seria L, nr.

354/132, datë 28.12.2013; Direktivën (BE) 2024/505 të Parlamentit Evropian dhe Këshillit, datë 7 shkurt 2024, botuar në Fletoren Zyrtare të Bashkimit Evropian, seria L, nr. 2024/505, datë 12.2.2024 (referuar në vijim si “Direktiva 2005/36/KE për njohjen e kualifikimeve profesionale” ose thjesht “Direktiva 2005/36/KE”).

Projektakti përbën instrumentin kryesor zbatues për përmbushjen e detyrimeve që rrjedhin nga neni 59 i Direktivës 2005/36/KE “Për njohjen e kualifikimeve profesionale”, i ndryshuar, si dhe nga Direktiva (BE) 2018/958 “Për testin e proporcionalitetit”, duke siguruar harmonizimin gradual të kuadrit kombëtar me standardet e Bashkimit Evropian në fushën e profesioneve të rregulluara.

Objektivat kryesore të kësaj politike që propozohet janë:

- Përafrimi i plotë i kuadrit ligjor vendas me Direktivën 2005/36/KE për njohjen e kualifikimeve profesionale dhe Direktivën (BE) 2018/958 mbi testin e proporcionalitetit, në përmbushje të detyrimeve të Shqipërisë për anëtarësimin në Bashkimin Evropian (BE);
- Zbatimi i masës përkatëse të parashikuar në PKIE 2024-2026, brenda tremujorit të tretë të vitit 2025.
- Harmonizimi me standardet e BE-së, duke krijuar një sistem të unifikuar për njohjen e kualifikimeve profesionale dhe një kuadër të qartë analitik për zbatimin e testit të proporcionalitetit gjatë hartimit të rregullave të reja për profesionet, në përputhje me *acquis communautaire*;
- Përmbushja e angazhimeve të Shqipërisë në kuadër të marrëveshjeve rajonale për njohjen e ndërsjellë të kualifikimeve profesionale në profesionet sektoriale;
- Lehtësimi i lëvizjes së lirë të profesionistëve brenda territorit të BE-së, duke siguruar njohjen e ndërsjellë të kualifikimeve profesionale që nga momenti i anëtarësimit të Shqipërisë;

Propozimet

Ky projektligj paraqitet në kuadër të angazhimeve të Shqipërisë për përafrimin e legjislacionit vendas me *acquis communautaire*, si pjesë e detyrimeve të përcaktuara në nenin 70 të Marrëveshjes së Stabilizim Asociimit (MSA), i cili detyron Shqipërinë të sigurojë që legjislacioni i saj ekzistues dhe i ardhshëm të jetë gradualisht në përputhje me atë të BE-së. dhe të zbatohet në mënyrë efektive.

Aktualisht, legjislacioni shqiptar nuk siguron një regjim të përafër me atë të BE-së dhe të plotë për njohjen e kualifikimeve profesionale dhe vlerësimin e proporcionalitetit të rregullave të reja mbi profesionet e rregulluara. Kjo krijon pengesë për mobilitetin e profesionistëve, burokraci për njohjen e diplomave dhe certifikatave, si dhe mungesë sigurie juridike për bizneset dhe institucionet arsimore.

Ky propozim ligjor synon të:

- Unifikojë dhe përmirësojë sistemin e njohjes së kualifikimeve profesionale, duke e përafruar atë me standardet e BE-së;
- Minimizojë barrierat administrative dhe burokratike për profesionistët e kualifikuar që kërkojnë të ushtrojnë profesionin e tyre në Shqipëri ose në vendet e BE-së;
- Sigurojë një metodologji të qartë për vlerësimin e proporcionalitetit të rregullave të reja mbi profesionet e rregulluara, duke shmangur kufizimet e pajustificuara dhe duke rritur transparencën;
- Përmirësojë lëvizshmërinë profesionale dhe tërheqjen e ekspertëve shqiptarë nga diaspora, duke reduktuar pengesat për kthimin e tyre në tregun shqiptar të punës;
- Mbështesë bizneset dhe punëdhënësit në qasjen ndaj një force punëtore të kualifikuar dhe të njohur në nivel ndërkombëtar;
- Rrisë cilësinë e shërbimeve të ofruara për qytetarët duke garantuar që profesionistët që operojnë në tregun shqiptar përmbushin standardet më të larta profesionale.

Pyetjet

Reagimet që priten janë të hapura dhe nuk parashikohet ngritja e pyetjeve specifike, të cilat kërkojnë përgjigje. Pyetje të mundshme mund të jenë: A pajtoheni me qartësinë e informacionit të paraqitur në dokument dhe çfarë do të propozonit shtesë për të përmirësuar cilësinë e tij? Si i vlerësoni përcaktimet në projektligjin “Për njohjen e kualifikimeve profesionale të fituara në shtetet anëtare të Bashkimit Evropian, zonës ekonomike evropiane dhe konfederatës së zvicerës, si dhe për vlerësimin e proporcionalitetit të rregullave për aksesin dhe ushtrimin e profesioneve të rregulluara në Republikën e Shqipërisë”?